

有关重阳节的古诗

1.
爱菊高人吟逸韵，悲秋病客感衰怀。黄花助兴方携酒，红叶添愁正满阶。
居士荤腥今已断，仙郎杯杓为谁排？愧君相忆东篱下，拟废重阳一日斋。
——白居易《酬皇甫郎中对新菊花见忆》
- 2.哀蝉无留响，丛雁鸣云霄。——陶渊明《己酉岁九月九日》
3.
风俗尚九日，此情安可忘。菊花辟恶酒，汤饼茱萸香。云入授衣假，风吹闲宇凉。
主人尽欢意，林景昼微茫。清切晚砧动，东西归鸟行。淹留怅为别，日醉秋云光。
——李颀《九月九日刘十八东堂集》
4.
年年羞见菊花开，十度悲秋上楚台。半岭残阳衔树落，一行斜雁向人来。
行云永绝襄王梦，野水偏伤宋玉怀。丝管阑珊归客尽，黄昏独自咏诗回。
——李群玉《九日》
5.
昨日登高罢，今朝再举觞。菊花何太苦，遭此两重阳。——李白《九月十日即事》
6.
欲强登高无力去，篱边黄菊为谁开。共知不是浔阳郡，那得王弘送酒来。
——李嘉祐《答泉州薛播使君重阳日赠酒》
7.
九月九日望乡台，他席他乡送客杯。人情已厌南中苦，鸿雁那从北地来。
——王勃《蜀中九日/九日登高》

8.
玉露霏凉木渐酡，每逢佳节惜年华。青山叠叠多归梦，白发萧萧不在家。
触景漫思千古事，无钱空对一篱花。相知相见情何已，石鼎山泉且煮茶。
——王冕《九日书怀》

9.
节过重阳菊委尘，江边病起杖扶身。不知此日龙山会，谁是风流落帽人。
——赵嘏《重阳日寄韦舍人》

10.
多少乡心入酒杯，野塘今日菊花开。新霜何处雁初下，故国穷秋首正回。
渐老向人空感激，一生驱马傍尘埃。侯门无路提携尔，虚共扁舟万里来。
——赵嘏《重阳日示舍弟》

11.
老觉人间岁月遒，恹恹窗户一灯幽。读书已废虚长夜，护塞无共负盛秋。
病齿何堪食粱肉，残躯惟念制衣裘。重阳卧看登高侣，满把茱萸只自愁。
——陆游《秋夜》

12.
黄花丛畔绿尊前，犹有些些旧管弦。偶遇闰秋重九日，东篱独酌一陶然。
自从九月持斋戒，不醉重阳十五年。——白居易《闰九月九日独饮》

13.
晚岁登门最不才，萧萧华发映金罍。不堪丞相延东阁，闲伴诸儒老曲台。
佳节久从愁里过，壮心偶傍醉中来。暮归冲雨寒无睡，自把新诗百遍开。
——苏洵《九日和韩魏公》

14.
黍香酒初熟，菊暖花未开。闲听竹枝曲，浅酌茱萸杯。去年重阳日，漂泊溢城隈。
今岁重阳日，萧条巴子台。旅鬓寻已白，乡书久不来。临觞一搔首，座客亦徘徊。
——白居易《九日登巴台》

15.

渡江旌旆动鱼龙，令节开筵上碧峰。翡翠巢低岩桂小，茱萸房湿露香浓。白云郊外无尘事，黄菊筵中尽醉容。好是谢公高兴处，夕阳归骑出疏松。——卢顺之《重阳东观席上赠侍郎张固》

16.

诗人自古恨难穷，暮节登临且喜同。四望交亲兵乱后，一川风物笛声中。菊残深处回幽蝶，陂动晴光下早鸿。明日更期来此醉，不堪寂寞对衰翁。——司空图《重阳山居》

17.

翠微路窄，醉晚风、凭谁为整欹冠。霜饱花腴，烛消人瘦，秋光作也都难。病怀强宽。恨雁声、偏落歌前。记年时、旧宿凄凉，暮烟秋雨野桥寒。妆靥鬢英争艳，度清商一曲，暗坠金蝉。芳节多阴，兰情稀会，晴晖称拂吟笺。更移画船。引佩环、邀下婵娟。算明朝、未了重阳，紫萸应耐看。——吴文英《霜花腴》

18.

偶圣睹昌期，受恩惭弱质。幸逢良宴会，况是清秋日。远岫对壶觞，澄澜映簪绂。炮羔备丰膳，集凤调鸣律。薄劣厕英豪，欢娱忘衰疾。平皋行雁下，曲渚双凫出。沙岸菊开花，霜枝果垂实。天文见成象，帝念资勤恤。探道得玄珠，斋心居特室。岂如横汾唱，其事徒骄逸。——崔元翰《奉和圣制重阳旦日百寮曲江宴示怀》

19.

令节晓澄霁，四郊烟霭空。天清白露洁，菊散黄金丛。寡德荷天贶，顺时休百工。岂怀歌钟乐，思为君臣同。至化在亭育，相成资始终。未知康衢咏，所仰惟年丰。——李适《重阳日即事》

20.

强插黄花三两枝，还图一醉浸愁眉。半床斜月醉醒后，惆怅多于未醉时。——郑谷《重阳夜旅怀》

21.

人事自生今日意，寒花只作去年香。——陈师道《次韵李节推九日登南

山》

22.

野人多病门长掩，荒圃重阳菊自开。愁里又闻清笛怨，望中难见白衣来。元瑜正及从军乐，甯戚谁怜叩角哀。红旆纷纷碧江暮，知君醉下望乡台。——李郢《重阳日寄浙东诸从事》

23.

江涵秋影雁初飞，与客携壶上翠微。尘世难逢开口笑，菊花须插满头归。但将酩酊酬佳节，不用登临恨落晖。古往今来只如此，牛山何必独霑衣。——杜牧《九日齐山登高/九日齐安登高》

24.

九日黄花酒，登高会昔闻。霜威逐亚相，杀气傍中军。横笛惊征雁，娇歌落塞云。边头幸无事，醉舞荷吾君。——岑参《奉陪封大夫九日登高》

25.殊方日落玄猿哭，旧国霜前白雁来。——杜甫《九日五首·其一》

26.

九日无欢可得追，飘然随意历山陂。蒋陵西井风烟惨，也有黄花一两枝。——王安石《九日》

27.遥怜故园菊，应傍战场开。——岑参《行军九日思长安故园》

28.

西风吹日弄晴阴，酒罢三巡湖海深。岳阳楼上登高节，不负南来万里心。——陈与义《两绝句》

29.

满庭黄菊篱边拆，两朵芙蓉镜里开。落帽台前风雨阻，不知何处醉金杯。——鱼玄机《重阳阻雨》

30.

白池青草古盐州，倚啸高城豁望眸。河朔毡庐千里迥，泾原旌节隔年留。
辕门菊酒生豪兴，雁塞风云惬壮游。诸将至今多卫霍，伫看露布上龙楼。
——王琼《九日登花马池城》

31. 暮归冲雨寒无睡，自把新诗百遍开。——苏洵《九日和韩魏公》

32.

照江叠节，载画舫之清冰；待月举杯，呼芳樽于绿净。拜华星之坠几，
约明月之浮槎。风雨满城，何幸两重阳之近；江山如画，尚从前赤壁之
游。槁秸申酬，轮嗣布。——文天祥《回董提举中秋请宴启》

33.

吟怀未许老重阳，霜雪无端入鬓长。几度白衣虚令节，致疑黄菊是孤芳。
野心一片湖云外，灏气三秋海日旁。山阁若逢阎伯屿，方君诗思敌王
郎。——序灯《九日吴山宴集值雨次韵》

34.

红叶黄花秋景宽，醉吟朝夕在樊川。却嫌今日登山俗，且共高僧对榻眠。
别画长怀吴寺壁，宜茶偏赏霁溪泉。归来童稚争相笑，何事无人与酒
船。——司空图《重阳日访元秀上人》

35.

靡靡秋已夕，凄凄风露交。蔓草不复荣，园木空自凋。清气澄余滓，杳
然天界高。哀蝉无留响，丛雁鸣云霄。万化相寻绎，人生岂不劳？从古
皆有没，念之中心焦。何以称我情？浊酒且自陶。千载非所知，聊以永
今朝。——陶渊明《己酉岁九月九日》

36.

重阳佳节意休休，与客携壶共上楼。满目山河增感慨，一时风景寄遨游。
武公不但歌淇澳，贤女犹能唁卫侯。更有三仁忠与孝，高名千古出人
头。——姜塘《摘星楼九日登临》

37.

万里飘零两鬓蓬，故乡秋色老梧桐。雁栖新月江湖满，燕别斜阳巷陌空

。落叶何心定流水，黄花无主更西风。乾坤遗恨知多少，前日龙山如梦中。——文天祥《重阳》

38.

二九即重阳，天清野菊黄。近来逢此日，多是在他乡。晚色霞千片，秋声雁一行。不能高处望，恐断老人肠。——令狐楚《九日言怀》

39.

薄雾浓云愁永昼，瑞脑消金兽。佳节又重阳，玉枕纱厨，半夜凉初透。东篱把酒黄昏后，有暗香盈袖。莫道不销魂，帘卷西风，人比黄花瘦。——李清照《醉花阴·薄雾浓云愁永昼》

40.

重阳初启节，无射正飞灰。寂寞风蝉至，连翩霜雁来。山棠红叶下，岸菊紫花开。今日桓公座，多愧孟嘉才。——阴行先《和张燕公湘中九日登高》

41.

昨日登高罢，今朝更举觞。菊花何太苦，遭此两重阳？——李白《九月十日即事》

42.

霜树重重青嶂小，高栋飞云，正在霜林杪。九日黄花才过了，一尊聊慰秋容老。翠色有无眉淡扫。身在西山，却爱东山好。流水极天横晚照，酒阑望断西河道。——赵可《凤栖梧·霜树重重青嶂小》

43.

平林广野骑台荒，山寺鸣钟报夕阳。人事自生今日意，寒花只作去年香。——陈师道《次韵李节推九日登南山》

44.

冉冉秋光留不住，满阶红叶暮。又是过重阳，台榭登临处，茱萸香坠。紫菊气，飘庭户，晚烟笼细雨。雍雍新雁咽寒声，愁恨年年长相似。——李煜《谢新恩·冉冉秋光留不住》

45.

重阳阻雨独衔杯，移得山家菊未开。犹胜登高闲望断，孤烟残照马嘶回。
——司空图《重阳阻雨》

本文链接：<https://duanjuziku.com/duanjuzi/t4vuw71gg8.html>